

Tăkarde ta iktăb Hudd

Āšajəš

¹ A-wa năkk, Hudd, wa n-akli n-VisaĀlmosex n-ăŋŋa-s n-Yāqub hin-iktabän i-ăddinät wi dd-iγrā Măssinäγ-i n-Abba s-iman-net, irh'-en, ogaz-tän dăg-təssəba n-Visa Ālmosex.

² Āsnădfäs fälla-wän Măssinäγ tăhanint d-tenăšše d-ălxer d-tărha-net.

Inəsbuha

³ Imărhan-in, āsdărhänäγ hullan ad-hawän-in-əktəbäγ dăg-isălan n-immun wa nohär, a-wen-dăg a fäl hi-iqqäl ăşsil ad-hawän-in-əktəbäγ tăkarde-ta-dăg i-ad-kăwän-səmmətăräγ i-ad-tənmăngəm dăg-təssəba n-immun wa dd-ăzzăbbăt Măssinäγ s-iyyăt făll-iməšseddəjän.

(2 Bətrus 2:1-17)

⁴ Ēktăbăγ-awän-in fäl-a-s, əjjăšän-kăwän-dd meddən n-ilämamasän n-inăllăbăsän făll-wär təssenäm s-ăru d-ăssewălän əlkəttabän dăg-ăşşäreya wa dăg-sän ilkamän, safraγän ālmăgna n-ănnuγmät n-Măssinäγ i-ad-hasän-ijrəw a-wen ăsaru fäl ăsmădăsän iman-năsän, əmmək-wen-dăg a-s ăkkuddălän ȣisaĀlmosex-i n-Emăli n-Āmakraš-nănăγ.

⁵ Kud-dăg əssanăγ a-s a-wa-dăg hawän-ăssewălăγ, təknam-t musnăt, ărheex ad-kăwän-dd-səktoγ əmmək wa s-dd-iglăs Emăli tamətte ta

n-käl-Işrayil däg-äkall wa n-Mişra, wi unjäynen omänän sär-s, darät-a-wen, inq'-en körəf.

6 Эktəwät-dd day änjalosän wi dd-əzjärnen idäggan-näsän, ad-tattärän tärna tojärät ta əjräwän, ogaz-tän Mässinäg däg-tihay ti n-ider ässuksännen, han tişəm äxlalnen, äqqalän i-aşäl wa ilkämän mäqqärän.

7 Эktəwät-dd day aqrem wa n-Sodoma d-wa n-Gomora d-ixärman wi n-edes-hasän, əkfän imuzägän-näsän iman-näsän i-əlkäxbu, jan tanməšrayt togdähät d-ten-däg jän änjalosän-win-däg, ad-tajjän idubnawän d-a-wärän il' əmmək, äzzäbbät-dd Mässinäg fälla-sän tisnant n-efew ixlalän. A-wa tän-ijräwän, älmital a amoos s-hanäg-ikkas Mässinäg däg-taxdärt.

8 Ilämamasän-winnin-däg s-hawän-janneg, əntäneq-däg a-wen-däg a tamaşalän; iməhhurja əlwayän derhanän-näsän, samädasän iman-näsän, sifətğun däg-tärna n-Emäli d-änjalosän wi ikfa älxurmät.

9 Wen-härät wäla Mikaylu-i n-änjalos mäqqärän wär t-ijsa ed aşäl wa d-iknäs d-Iblis d-tinməşəkkina tafəkka n-ännäbi Mosa, wär t-ikwer Mikaylu, inn'-as şas: «Oyyeg-käy s-Mässinäg.»

10 Mäšan, ilämamasän wi s-hawän-janneg, wär tän-išla ar tigəggar n-a-wa s-əžhalän, siku-forän. A-wa əssänän, wär t-əssenän ar s-ulhawän-näsän şund taxsiwen, a-wen-däg day a sär-sän dd-orawän əlhəllak.

11 Iməskay, jän tabarät ta ija Kayin, tăšnämäšräy-tän tärha n-ažrəf şund a-wa ija Balam, ođä-dd fälla-sän älmaşşibät däg-təssəba n-a wa s-äffullägän şund a-wa ija Ākori.

12 Tāmoos tāhadra-nāsān dāχ-imjora-nāwān a āsikārakādān fāl-a-s ed tān-øjjāšān wār t-illa a āherākken hasān-igdalān tāzāhhawt dāχ-wār kēttewān ar iman-nāsān. Olāhān d-tijäräken wār hen aman āwway ađu, olāhān d-ihēškan wāren tiirēw kud-dāχ s-āzzāman n-a-wen, olāhān ḡas d-ihēškan āmmutnen ihēnnindāχ s-afāl hin-øttelbāyān, ad-øjən tamāttant ta s-sānatāt.

13 Ānifāqqān d-tināzzāmāren n-ejārew āşşohātnen, wār tān-išla ar ejer data-sān n-tākuffe n-ijitān-nāsān wi āsikārakādnen. Olāhān d-etran n-iməşşoraj, itwar-asān Mässināχ edāgg hārkuk dāχ-ehād wa ojārān tākkawālt dāχ-ihāđan.

14 Āru fälla-sān ālolāy Inuk wa n-ahāya n-Adəm wa s-øssa a-s innā:

«Ənhəywāt Emāli,
imal-dd ənta d-timərwen n-afđān
n-ānjālosān-net wi šaddijnen»

15 i-ad-işrāχ dāgg-adəm iket-nāsān, ḥany s-āşşareχa-net e d t-illām anāsbakkad dāχ-təssəba n-e d t-illām erk iji jan dāχ-øffulləg wa jān fäll-Mässināχ d-e d t-illām mājrād läbasān jan āddinät-ønnin-dāχ s-wār t-illa a dāχ-āssimyārān Mässināχ.

16 Meddən-win-dāχ, hārkuk əkmän-tān iman-nāsān, salāqqawān iman-nāsān i-ad-hasān-adənān āddinät tāhanint, wār-əlkemän ar i-derhanān n-iman-nāsān, wār tān-išla ar abərəj dat-āddinät d-tərməl n-āddinät i-ad-dāχ-sān dd-əkkəsān hārät.

Āssas n-immun

17 Imärhan-in, kăwāned, wär jem a-wen, ɣaymät kittəwäm a-wa s-ăru d-hawän-t-ənnän inəmmušal n-Emäli-nänäɣ ɻisaĀlmasex a-s hawän-jannen:

18 «Däɣ-ajilal n-äddunya ad-dd-asən äddinät wăren əlkem ar i-derhanän n-iman-năsän kăwän-jänen isədṣa.»

19 Täbəddawt ɣas a dd-tirəwän jer-äddinät, wär-əlkemän ɣas ar i-a-wa hannäyän, wär t-illa a oharän d-Unfas n-Mässinäɣ.

20 Kăwāned-i n-imärhan-in, ɣaymät binnewäm kăwāned iman-năwän tămudre-năwän fäll-äddin-năwän wa šaddijän, tajjäm ālhimmät s-tärna ta n-Unfas Šaddijän.

21 Səntəmät iman-năwän däɣ-tärha n-Mässinäɣ däɣ-a-s tăqqaläm i-ad-kăwän-äkf Emäli-nänäɣ ɻisa Ālmasex däɣ-tăhanint-net tămudre ta tăɣlälät.

22 Ađənät tăhanint i-äddinät wi jänen ul-hawän əssin,

23 iyyäd däɣ-sän, tăddoobem ad-tän-dd-təntəšəm däɣ-temse, tăɣləsäm-tän; wi iyyädnen, ađənät-asän tăhanint, tăhanint tărtayät d-tuksəda. Udayät făw i-anməđas dăr-sän kud-däɣ anməđas d-isəlsa-năsän wi ăsmäđäsän s-erk imojjan-năsän.

Təmmal i-Mässinäɣ

24 I-Wa äddooben ad-kăwän-agəz däɣ-e d-t-illäm iba n-iqqud, isəbdəd-dd-kăwän däɣ-ălxurmät n-idəm-net wär kăwän-iwer ālɣib, təknam tedäwit,

25 i-Mässinäg-i s-ənta ḡas a t-illan, ənta-i n-
Ămayglas-nänäg däg-idəm n-ŶisaĂlmasesx wa n-
Emäli-nänäg, ālxurmät d-təmyäre d-tärna d-
ălxikmät härkuk däg-ăzzämänän iket-näsän jer-
wi okäynen wi n-ämära-däg hakd wi dd-
malənen. Amin!

**Ălənžil n-Visa Ălmasex: Kitab Ălmuqăddăs
Tamasheq: New Testament**

copyright © 2003 Wycliffe Bible Translators, Inc.

Language: (Tamasheq)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source

files dated 29 Jan 2022

b95f369b-a236-5ca8-8cab-11f74279d73c